


TEZAU LITURGIC

20 MAI

ACATISTUL SF. CUVIOASE LIDIA DE LA FILIPPI



MOSCOVA, 2000



Акафист **равноапостольной** **ЛИДИИ ФИЛИППИЙСКОЙ**

Кондак 1

Избра́нную уго́дницу Христо́ву Ли́дию, в землѣ́
Гречестей́ яко́ звезду́ пресветлу́ю возсия́вшую,
верни́и, днесъ́ воспой́м. Ты́ же, яко́ иму́щая
вѣлие́ дерзнове́ние ко́ Господу́, моли́твами
твои́ми отъ́ всякихъ́ насъ́ бедъ́ и скорбе́й свобо́ди, да
с радости́у зове́м ти: Ра́дуйся, свя́тая Ли́дие,
моли́твеннице́ о ду́шахъ́ нашихъ́.

Икос 1

А́нгеловъ́ Тво́рецъ́ и Госпо́дь силъ́, преду́вѣде́вый
благое́ произво́ление тво́е, отъ́ гра́да Фи́липпы
избра́́ ты, свя́тая Ли́дие, да́ бу́деши
пропове́днице́ю благо́вѣстия́ Христо́ва. Мы́ же,
тако́вому о́ тебе́ смотре́нию Бо́жию чуде́ща́ся, во
умиле́нии серде́ц зове́м ти:

Ра́дуйся, на́ подви́г испове́дания́ Христа́
избра́́нная.

Ра́дуйся, во́ образъ́ смире́ния хри́стианскимъ́
жена́м свы́ше прона́рече́нная.

Радуйся, истинную мудрость возлюбившая.

Радуйся, благочестивым житием Ангелы
возвеселившая.

Радуйся, истины Царствия Божия уразумевшая.

Радуйся, проповедь Евангелия в сердце свое
вместившая.

Радуйся, яко Церковь Православная тобою
пресветло украшается.

Радуйся, яко имя твое во всем мире
христианством прославляется.

Радуйся, святая Лидие, молитвеннице о душах
наших.

Кондак 2

Видя Господь благочестивое житие твое,
блаженная Лидие, предугото́ва ты в
драгоценный сосуд ко приятию Духа Святаго, да
поёши Ему: Аллилуиа.

Икос 2

Разум богопросвещён прия́вши, премудрая
Лидие, уразумела еси суе́ту мира сего тленного и
чистым сердцем твоим уверовала еси во Христа,
словесём́ святаго Апостола Павла о воскресшем

Спасителе внима́я. Темже и нас в добродетелех веры укрепил, зовущих ти таковая:

Радуйся, истиннаго богопознания усердно искавшая.

Радуйся, первее всех людей фиати́рских истинную веру уразуме́вшая.

Радуйся, Апостола Павла верная учени́це.

Радуйся, духом Евангелия от него упоённая.

Радуйся, в словесе́х Павловых мудрости поучившаяся.

Радуйся, дела́, христианом подобающая, творившая.

Радуйся, в угождении Богу и ближним на земли́ пожившая.

Радуйся, жизнь вечную во Христе стяжавшая.

Радуйся, святая Лидие, молитвеннице о душа́х наших.

Кондак 3

Силою благодати Христовы в таинстве Крещения оде́вшись, подвигом добрым подвизалася еси, преславная Лидие, упованием

на Еди́наго Исти́ннаго Бога укрепля́ясь и по вся́ дни поя́ Ему: Аллилуиа.

Икос 3

Име́ющи сердце, любви́ благодатны́я преиспо́лненное, яко в добрую землю́ удо́бь восприя́ла еси́ зерно́ святы́я веры, да стокра́тный плод от него́ прозя́бнет. Мы же, умиля́ясь, яко Госпо́дь чуде́сне отве́рзе сердце́ твое́ для́ принятия́ веры в Него́, вопие́м ти:

Радуйся, жилищем Пресвятаго Духа соде́лавшаяся.

Радуйся, благодатию Его́ преиспо́лнившаяся.

Радуйся, фиати́рския люди́ светом Христо́вы веры просветившая.

Радуйся, проповедию своею́ множество́ душ ко Христо́у приведшая.

Радуйся, ны́не во обителях райских весе́лящаяся.

Радуйся, к лику́ святы́х жен сопричте́нная.

Радуйся, моля́щихся тебе́ милостию́ своею́ не оста́вляющая.

Радуйся, молитвами́ твоими́ в ско́рбех нас заступа́ющая.

Радуйся, святая Лидие, молитвеннице о душах наших.

Кондак 4

Бури злых напастей мудре избегаючи, всю себе Господеви предала еси, праведная Лидие, и многотрудный путь жития своего безбоязненно прошедши, в селениях Небесных ныне пребываеши, со Ангелы поющи: Аллилуиа.

Икос 4

Слышавше, яже Господь рече: «Днесь спасение дому сему бысть», в дом свой Апостолы святых Павла, Силу, Тимофея и Луку ввела еси, Лидие прехвальная, да мир Христов сниде на вся живущия в нем. Мы же, ублажая тя, глаголем сице:

Радуйся, любовь ко Апостолом Христовым явившая.

Радуйся, под кровом жилища своего от трудов их упокоевавшая.

Радуйся, от имени своего их питавшая.

Радуйся, словесем апостольским о Боге Слове усердно внимавшая.

Радуйся, яко святым Апостолом подражающе,
Христу работати вожделе́ла еси.

Радуйся, яко по стопа́м их путем спасительным
последовала еси.

Радуйся, правую стезю́ к жизни вечней нам
показу́ющая.

Радуйся, благочестивым семействам мир и
благословение подающая.

Радуйся, святая Лидие, молитвеннице о душа́х
наших.

Кондак 5

Боготече́ней звезде подобна явилася еси, Лидие,
егда́, просвещенная светом Христовым,
пресветлое течение твое по землі Гречестей
совершила еси, путь ко Христу указу́я всем
хотящим спастися и научая их пети Ему:
Аллилуиа.

Икос 5

Видевше люди, во тьме идолослужения
погибающия, Всемиловитый Господь стопы́
твоя во след благовествова́ния истины напра́ви,
да проповедию твоею язы́чницы светом
Христовым просветятся и наследники Царствия

Небеснаго соделаются. Сего ради и мы, словесём
благовестия твоего внимающе, взываем ти сице:

Радуйся, Божественнаго Промысла преизрядная
избраннице.

Радуйся, святым Апостолом прехвальная
подражательнице.

Радуйся, мир Христов в душе твоей стяжавшая.

Радуйся, Царствие Небесное людем
благовестившая.

Радуйся, пред Богом о нас теплая
предстательнице.

Радуйся, о спасении нашем усердная ходатаице.

Радуйся, Божественныя благодати вседрагий
сосуде.

Радуйся, молитвы благово́нная кадильнице.

Радуйся, святая Лидие, молитвеннице о душа́х
наших.

Кондак 6

Проповедницею истинныя веры Христовы и
рачительницею благочестиваго жития явилася
еси, святая Лидие, в Филиппех и во иных градах

и вѣсех Евангелие Христо́во возвеща́я людем,
и́же и научи́шася с тобою пети: Аллилуиа.

Икос 6

Воссияла еси, учени́це Павлова, яко звезда
лучезарная, в землѣ Гречестей, и, яко
богосветлое светило, обтекла́ еси восток и запад,
возвеща́я Небесны́я истины всем благочестно
жити хотя́щим. Познавшии же тобою веру
истинную возопи́ша тебе таковая:

Радуйся, благодатию Божиею приосенѣнная.

Радуйся, путем спасительным верных ко Христу
путеводствующая.

Радуйся, Христа Жизнодавца, яко драгоценный
бисер, обретшая.

Радуйся, в сердце свое, яко сокровище
безценное, Его вместившая.

Радуйся, жилищем Духа Святаго соделавшаяся.

Радуйся, в исполнении заповедей Христовых
утвердившаяся.

Радуйся, воня́ми словес Христовых, яко крин,
благоухающая.

Радуйся, мрак нечестия языческаго разгоняющая.

Радуйся, святая Лидие, молитвеннице о душах наших.

Кондак 7

Хотяще Господеви благоугоди́ти, прилежно научала еси новообращенныя ко Христу поклонение и́долом оставити, во Единого же Истинного Бога ве́ровати и, возведши умы́ и сердца́ свои к Небеси, хвалебно взывати Ему: Аллилуиа.

Икос 7

Новую Православия наставницу и благочестия и чистоты учительницу яви ты Господь людем Своим, праведная Лидие, и яко избранныю проповедницу Евангелия ты прослави. Темже и нам усердною наставницею и теплою молитвенницею буди, вопиющим ти сице:

Радуйся, в сердце своем пламенную любовь к Богу возжегшая.

Радуйся, верная рабо Христова, во след Его потекшая.

Радуйся, яко на пути спасения нас утверждаеши.

Радуйся, яко предстательством твоим благ вечных нас сподобляеши.

Радуйся, свет истины Евангельския показующая.

Радуйся, от языческих заблуждений свободяющая.

Радуйся, цевнице духовная, пением Небесным чувства услаждающая.

Радуйся, мироварнице всезлатая, елеем благодати души умащяющая.

Радуйся, святая Лидие, молитвеннице о душах наших.

Кондак 8

Странствие земное богоугодно совершивши, Небеснаго покоя достигла еси, Лидие преславная, обаче всех с любовью и верою тебе молящихся не оставила еси, прияла бо еси благодать в бедах и напастех верным помогати; темже благодарение за вся тебе приносим и Богу, возвеличившему тя, поем с любовью: Аллилуиа.

Икос 8

Вся объята бывши ревностию по Бозе,
служением твоим в Церкви Филиппийстей
Господеви благоугождала еси, дев и жен
благочестивых от тьмы греховныя к чудному
свету Евангелия приводя. Сего ради
боготканною одеждею Крещения облékшиися
восхваляху тя пении сими:

Радуйся, глас Христов, призывающий тя во двор
словесных овец Своих, услышавшая.

Радуйся, многия люди познанием Бога
Истиннаго просветившая.

Радуйся, от рабства греховнаго наше
свобождение.

Радуйся, на пути спасительном наше
укрепление.

Радуйся, веры Христовы предивная побóрнице.

Радуйся, ищущим спасения скорая помощнице.

Радуйся, мудрых жен красото́ и похваление.

Радуйся, к Небесней славе наше приведение.

Радуйся, святая Лидие, молитвеннице о душа́х
наших.

Кондак 9

Всеми добродетельми украшенное и равноапостольным подвигом проповеди Евангелия Христова причастное явися чудное житие твое, Лидие премудрая, от силы бо в силу благочестно восходящи, высоты равноангельныя достигла еси и многия неверныя ко Христу привела еси, поющи Тому: Аллилуиа.

Икос 9

Витийство земнородных не довлѣет достойно восхвалити твоя подвиги, преславная, землю бо Греческую с проповедию о Воскресшем Христе обтекла еси и вся окрестныя селения чудесы просветила еси. Темже убо молим тя: озари лучами света твоего и наша исстрадавшаяся сердца, вопиющих тебе таковая:

Радуйся, яко мира греховнаго всецело отреклася еси.

Радуйся, яко словесем Христовым всем сердцем прилепилася еси.

Радуйся, воню Небесною благоухающая.

Радуйся, благодатию души наша обновляющая.

Радуйся, величия Божия всем благовествующая.

Радуйся, к пеню славы Господни всех призывающая.

Радуйся, истинная Христова служительнице.

Радуйся, покаяния усердная проповеднице.

Радуйся, святая Лидие, молитвеннице о душах наших.

Кондак 10

Спасти́ся хотя́щим всем буди крепкою споспéшницею моли́твами твоими́ пред Богом, Лидие́ всехва́льная, яко́ да прости́т Творец и Спаси́тель наш вся грехи́ наша, вопи́ющим Ему́: Аллилуиа.

Икос 10

Стена́ твердая́ и надежное́ прибежи́ще еси́ всем призыва́ющим имя́ твое́ и всем любя́щим и чту́щим тя, святая́; темже́ и нам бу́ди покров и огражде́ние от всех враг ви́димых и неви́димых, почита́ющим святу́ю па́мять твою́ и со уми́лением взыва́ющим:

Радуйся, язы́ческа́я тьмы́ светозарная́ прогонительнице́.

Радуйся, вертогра́да Христова́ на земли́ неустанная́ насадительнице́.

Радуйся, с лики избранных Божиих в чертог
Небесный всельшаяся.

Радуйся, фимиам молитвы о нас Богу
приносящая.

Радуйся, чудес Христовых сокровище.

Радуйся, христианом крепкое прибежище.

Радуйся, Богу житием твоим угодившая.

Радуйся, верною Ему даже до конца пребывшая.

Радуйся, святая Лидие, молитвеннице о душах
наших.

Кондак 11

Песнь благодарения воздаем тебе, Лидие, ты бо
сама от погибели вечныя ко спасению
обращенная, и иным помощь являеши и, святым
Апостолом подобая, всех с собою к Небеси
приводиши и пети Пресвятей Троице научаеши:
Аллилуиа.

Икос 11

Светлыми лучами чудес немерцаемо сияши и
сердца наша светом Евангельския истины
просвещаеши, Лидие всеблаженная, да,
прославляюще Истиннаго Бога, наследники

Царствія Небеснаго пребудем, иде́же ты ныне́ со всеми святы́ми ликуеши. Сего ради приими́ от нас хваления сия:

Радуйся, Бога Живаго одушевлённый храмe.

Радуйся, Всесвятая Троицы верная служительнице.

Радуйся, Материю Божию возлюбленная.

Радуйся, святы́ми Апосто́лы вере в Истиннаго Бога научённая.

Радуйся, яко житие твое по Бо́зе прославляется.

Радуйся, яко в тебе всецелое упование на Господа является.

Радуйся, венцем славы от Бога увенча́нная.

Радуйся, благодати Божия испо́лненная.

Радуйся, святая Лидие, молитвеннице о душа́х наших.

Кондак 12

Благодать Пресвятаго Духа испроси нам, притекающим к тебе с любовью, да вразумлённые и укреплённые свыше, возможем безпреткнове́нно пройти́ спасительною стезе́ю,

ведущею в Царствие Небесное, идеже вси святии воспевают Богу: Аллилуиа.

Икос 12

Поюще многая и преславная труды и подвиги твоя, во благовествование Христово подъятыя, ублажаем тя, святая Лидие, почитаем честную память твою, славим долготерпение и добродетели твоя, хвалим и блаженную кончину твою. Сего ради милостиво приими от нас умиленная пения сия:

Радуйся, благое иго Христово с радостию понесшая.

Радуйся, любовьию неугасающею ко Христу горевшая.

Радуйся, венцем нетленным от Него украшенная.

Радуйся, сокровище Небесное смирением и терпением стяжавшая.

Радуйся, веры христианския небоязненная проповеднице.

Радуйся, недугов душевных и телесных безмездная врачевательнице.

Радуйся, христианом крепкое прибежище.

Радуйся, благочестивых людей ликование.

Радуйся, святая Лидие, молитвеннице о душах наших

Кондак 13

О святая праведная Лидие, малое сие моление наше ныне приемши, от недугов душевных и телесных нас исцели, от всех враг видимых и невидимых заступи и вечнаго мучения избавитися нам Господа умоли, да с тобою воспоем во Царствии Его: Аллилуиа.

(Этот кондак читается трижды, затем икос 1 и кондак 1)

Молитва

О святая равноапостольная Лидие, теплая о нас пред Богом молитвеннице! К тебе с верою и любовью прибегаем и молим тя: буди нам во всем ко благу помощница и споспешница, вспомоществуй нам в просвещении ума и сердца нашего светом Евангелия Христова, да преспеваем в вере, благочестии и любви Господни. Испроси нам у Всещедрого Бога вся благая и полезная в жизни временней и вечней, да тако богоугодне zde поживше, сподобимся наследия благ вечных в Небесном Царствии Христа Бога нашего, Ему же со Отцем и Святым

Духом подобает всякая слава, честь и поклонение всегда, ныне и присно и во веки веков. Аминь.

